



Mofumahadi ya bohlae

Tshedza Tlhako

Busisiwe Ndlovu





Mofumahadi Lufuno o ne a busa lefatshe la Roswika.

Mofumahadi Lufuno e ne e le moetapele ya lokileng ya mosa.

O ne a le bohlale haholo.



Mofumahadi o ne a tshwara batho bohle ka tekano.

Ka hoo setjhaba sohle se ne se mo rata haholo.

Maluta e ne e le e mong wa baeletsi ba tshetjwang haholo ke mofumahadi Lefuno.



Mohatsa Maluta, Tshidino, o ne a sa rate botho ba Mofumahadi Lufuno. O ne a sa rate ka moo batho ba neng ba mo rorisa ka teng.

Are, “Ke eng hoo Lufuno a nang le hona hoo nna ke se nang hona?”



Ka tsatsi le leng, mofumahadi Lufuno le Maluta ba ne ba buisana ka mokgwa o motle oo ba ka abelang setjhaba metsi ka teng.

Ba seke ba dumellana mme ba ngangisana.



Hona hwa halefisa Maluta. Ha a fihla hae a ya ho monna wa hae ka kotloloho.

“Mofumahadi Lufuno le nna re ngangisane ka mokgwa wa ho aba metsi,” a bua a kgenne.



Tshidino a inahana, "Ke ne nka etsa betere hoja ke ne ke le morena."

A kgothaletsa mosadi wa hae ho ba lonya ho mofumahadi.



Letsatsi le hlahlamang, Tshidino a memela batho bohle ba motse kopanong.

A re ho bona, “Re keke ra buswa ke mosadi. Ke tla ba morena ya betere.”



Batho ba tlileng kopanong ba nahana mantswe a na a Tshidino.

Ba ne ba sa dumellane le yena.



E mong are, "Mofumahadi ke motho ya nahanelang batho. O hahetse bana ba rona dikolo."

Wa bobedi are, "Re na le masimo, ebile o hlokomela hore re na le metsi. Ke moetapele ya lokileng."



Wa boraro a eketsa are, “Re busitswe ke batho ba fapaneng. Ha ke eso bone ya bohlale jwaloka mofumahadi Lufuno. Marena a ditulo tse ding a tla ho yena ho fumana dikeletso.”



Ha Tshidino a utlwa hoo, a ya hae a halefile.

Maluta a re ho yena, “Batho ba Roswika ba buile. O tshwanetse ho ananela kgetho ya bona.”



Ha mofumahadi a utlwa hona, a bososela.

Ha a ka a hloko-fatsa Tshidino hobane a ne a tseba hore o hlotse.

Ha setjhaba se le kgotso, se atlehile, se thabile, ba tla sapota baetapele ba bona.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Mofumahadi ya bohlale

Author/s: Tshedza Tlhako

Translator/s: Nthabiseng Tsatsi

Illustrator/s: Busisiwe Ndlovu

Assurer/s: Mathapelo Morake

Language: Sesotho (South Africa)



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

